

卷廿四

婦科

卷廿五
六

幼科

赤水玄珠全集

冊十一

赤水玄珠婦人門第二十四卷目錄

耳

結核方論

赤白遊風

婦人疝瘕

鶴膝風

足跟瘡腫

肺癰

腸癰

乳癰乳岩

赤水玄珠第二十五卷幼科目錄

初誕門

硃蜜法

斷臍法

戒灸

下地不啼哭

胎毒宜下

週身無皮

陰囊入腹不下

撮口

臍突光腫

腸癰

鼻風傷顛

風熱

診脉歌

入門看證歌

明驚風篇

慢驚

甘草法

秘法

回氣法

浴兒法

初生大小便不通

穀道不通

週身發泡

噤風

臍風

臍汁不乾

鵝口白屑

潮熱

看形色聲音脉息

看顛顛要畧

變蒸

急驚風

夜啼

客忤

丹毒

口瘡

木舌

腫齦

斷乳法

項軟

臁疔

赤遊風毒

重舌

腫膈

語遲

行遲

滯頤

赤水支珠卷二十五目錄

此處為書中正文，因字跡模糊，內容難以辨認。可見文字包括「項軟」、「斷乳法」等詞的對應描述。

赤水玄珠幼科二十六卷目錄

脫肛門

哮喘門

咳嗽門

吐瀉門

癰門

淋門

遺尿門

外腎光腫門

痢門

瘡門

吃泥 吃生米門

耳門

龜胸龜背門

蟲門

疳門

癩門

赤水玄珠婦人門第二十四卷

耳

新安生生子孫一奎著輯

立齋曰耳瘡屬手少陽三焦及足厥陰肝經血虛耳內外腫痛胸膈不利寒熱痲痛屬三焦厥陰風熱用柴胡清肝散若寒熱作諸症頓退又用加味逍遙散脾清肝散若口乾足熱為肝腎陰虛用益陰腎氣婦耳內外作痛不時寒熱脉道遙散過期為血虛用八珍湯食少體倦為鬱火愈又項間結核如貫珠寒熱急為氣血俱虛用十全大補湯慎不可專治其外復傷氣血也

一婦耳內外腫痛胸膈不利寒熱往來小便不調此肝火傷血先用龍胆瀉肝湯四劑諸症頓退又用加味逍遙散而痊又因怒復作用柴胡而安

一寡婦耳內外作痛不時寒熱脉上魚際此血盛之症用小柴胡加生地以抑其血而愈又項間結核如貫珠寒熱晡熱用加味歸脾湯加味逍遙散調補肝脾而愈一女子耳下腫赤寒熱口苦月經不調小腹內結一塊此肝火氣滯而凝也先用小

柴胡加山梔川芎丹皮又用柴胡清肝散而痊

小柴胡湯 治肝胆經症寒熱往來晡熱潮熱身熱默默不欲飲食或怒火口苦耳聾咳嗽發熱脇下作痛甚者轉側不便兩脇痞悶或瀉痢咳嗽或吐酸食苦水皆用此藥主之 柴胡二錢 黃芩炒一錢 人參 半夏各七分 炙甘草五分 姜三

片水煎服

加味小柴胡湯 治肝胆經風熱前後腫痛或結核痲痛或寒熱晡熱或經候不調

等症 即前小柴胡湯加山梔丹皮

益脾清肝散 治肝經之症寒熱體痛脾胃虛弱 人參 白朮炒 茯苓各一錢

炙甘草 柴胡各五分 川芎 川歸 黃耆各一錢 丹皮七分 水煎服

梔子清肝散 治三焦及肝胆經風熱耳內作痒或生瘡出水或脇肋胸乳作痛寒

熱往來 柴胡 山梔炒 丹皮各一錢 茯苓 川芎 芍藥 當歸 牛蒡子炒

各七分 白朮炒 甘草各五分 水煎服

柴胡清肝散 治肝胆三焦風熱怒火以致項胸作痛或頭目不清或耳前後腫痛

或寒熱體痛 柴胡 黃芩炒 甘草各五分 人參 山梔炒 川芎各一錢 連翹

桔梗各八分 水煎服

犀角地黄湯 治上焦有熱口舌生瘡發熱或血妄行或吐衄或下血 犀角

生地 白芍藥 黃芩炒 牡丹皮 黃連炒各一錢 水煎服因怒而患者加柴

胡山梔

犀角升麻湯 治陽明經風熱牙疼或唇頰腫痛或手足少陽經風熱連耳作痛

犀角 升麻 防風 羌活各一錢 白附子五分 川芎 白芷 黃芩炒各七分

甘草五分 水煎服

當歸川芎散 治手足少陽經血虛瘡症或風熱耳內痒痛生瘡出水或頭目不清

寒熱少食或經水不調胸膈不利腹脇痞痛小便不調 當歸 川芎 柴胡

白朮炒 芍藥炒各一錢 山梔炒一錢二分 丹皮 茯苓各八分 蔓荊子 甘草各五分

水煎服

雜方

加味地黃丸

治肝腎陰虛諸症或耳內痒痛出水或眼昏痰喘或熱渴便澁等症

乾山藥

山茱萸 澤瀉 牡丹皮 柴胡 白茯苓 熟地黃 生地

五味子各等分爲末

右將煉蜜爲丸梧子大每服百丸空心白湯下如不應

加減八味丸

人參養榮湯

治潰瘍寒熱四肢倦怠體瘦少食面黃氣短不能收斂大瘡愈後多

服之庶不變他症也

白芍藥一錢五分人參 陳皮 黃耆炒桂心 川歸

白朮炒炙甘草各一錢

熟地 五味子炒茯苓各七分 遠志去心炒五分 入姜

棗水煎服

瀉青丸

治肝經實火脇乳作痛或惡寒發熱大便秘結 川歸 龍胆草炒焦

川芎

山梔炒大黃炒羌活 防風各等分

右爲末蜜丸梧子大每服三四

丸白湯下○若陰血不足肝火而燥用四物加山梔柴胡或逍遙散加丹皮

山梔○若腎水虧損不能生肝木而筋攣結核或肢節攣擗或似中風涎痰

上湧用六味丸料煎服

生地黃丸

治師尼寡婦室女乍寒乍熱或頸間結核肝脉弦長直出魚際 生地

秦朮

黃芩 硬柴胡各五分 赤芍藥一兩

右煉蜜爲丸梧子大每服三十

丸烏梅湯下

連翹飲子 治肝胆經氣滯癰癧結核或乳內結核者 連翹 川芎 瓜蒌仁

橘葉 皂角刺炒青皮 甘草節 桃仁各一錢 水煎服

散腫潰堅湯 治癰癧堅硬氣血無虧者 升麻 連翹 川歸尾 白芍 葛根

三稜酒拌麝末微炒各三分 龍胆草 桔梗炒昆布 知母酒炒 瓜蒌仁各五分

柴胡四分 黃芩酒炒五分 炙甘草二分 右水煎服

必效散 治癰癧未成者消已潰者歛須元氣無虧者可服孕婦勿服 南蓬砂二

錢半 輕粉一錢 斑猫四十枚去頭足同糯米炒去米 射香五分 巴豆五粒去壳心膜

白檳榔一枚 右為末每服一錢五更用滾湯調下如小水瀉滯或微疼此癰

毒欲下也進益元散一服即下 此方斑猫巴豆似為峻厲然用巴豆乃解

斑猫巴豆用者勿畏也

益元散 滑石飛六錢 甘草 各為末每服一二錢白湯調下

琥珀膏 治頸項或腋下初結小核漸如連珠潰而膿水不絕或漏症者

琥珀一兩 丁香 桂 硃砂 木香 松香俱為末 白芷 防風 當歸

木通 木別子肉各五錢 麻油二斤 將后五味入油煎熬藥焦濾去渣徐徐

入黃丹再熬軟硬得所入前末藥即成膏矣

針頭散 治一切頑瘡內有瘀肉或癰核不化瘡口不合宜此藥腐之 赤石脂五錢

乳香 白丁香 砒礪生用 黃丹各一錢 輕粉 射香各五錢 蜈蚣一條

為末搽瘀肉上其肉自化若瘡口小用糊和作細條陰乾經之凡瘡久不合

者內有膿管必須用之

結核方論

婦人結核皆因鬱怒傷損肝脾或因胎產經行失於調護或因暴怒觸動肝火若結於項側耳前後或胸脇腫痛或發寒熱屬胆經風熱怒火宜用柴胡清肝散加鈎藤山梔以養血氣清肝火若結于肉理其色不變晡熱內熱屬肝火血虛宜加味逍遙散加龍胆草以養肝血清肝火或結于肢節或累累如貫珠其色不變亦肝火血燥而筋攣宜用柴芍參苓散加鈎藤以養血氣佐以六味丸以生腎水若時消時作此氣滯而痰結也用歸脾六君二湯以調和脾肺之氣並佐以海藻丸若潰而核不腐或肉不生或膿水清稀肌寒肉冷自汗盜汗寒熱內熱面色痿黃食少體倦便利不調者五臟皆虛也但用補中益氣加味六君子二湯調補脾胃以滋諸臟則各症自退故經云形傷則痛氣傷則腫慎不可輕用行氣破血而復傷也

一婦項結核寒熱頭痛脇脹乳痛內熱口苦小便頻數屬肝火血虛用加味四物而愈又用加味逍遙散調補肝脾而安

一婦耳內耳後項側結核作痛寒熱口苦月經不調此肝胆經火而傷脾胃也用四君柴胡丹皮及六味丸而愈

一婦項患五核時常寒熱肝脉弦長而出寸口此血盛無偶之症也用小柴胡湯加生地烏梅而愈

加味逍遙散 治肝脾血虛有熱遍身搔痒或口燥咽乾發熱盜汗食少嗜臥小便澁滯等症又治癩癧流注虛熱等瘡 炙甘草 當歸炒芍藥酒炒 茯苓

白朮炒各一錢 柴胡 牡丹皮 山梔炒五分 水煎服

逍遙散 即前方減丹皮山梔

歸脾湯 治脾經失血少寐發熱盜汗或思慮傷脾不能攝血以致妄行或健忘怔

忡驚悸不寐或心脾傷痛嗜臥少食或憂思傷脾血虛發熱或肢體作痛大便不調或經候不准哺熱內熱或癩癧流注不能消散潰斂 人參 白朮炒黃耆炒

茯苓 當歸 遠志 酸棗仁炒各一錢 木香 炙甘草各五分 龍眼肉三枚

姜棗水煎服

加味歸脾湯 即前方加山梔柴胡

柴朮參苓湯 治肝火血熱遍身搔痒或起赤暈或筋攣結核 白朮 人參

茯苓各一錢 柴胡 川芎 山梔炒芍藥炒甘草炒各五分 熟地八分 當歸八分

水煎服

柴芍參苓散 治肝胆經部分結核癩癧瘤癭等症或肝血燥脾氣虛弱發熱少食

柴胡 芍藥炒人參 茯苓 白朮炒山梔炒陳皮 當歸各一錢 丹皮

甘草各五分 姜棗水煎服

清肝益榮湯 治肝胆經風熱血燥筋攣結核或作癩子 柴胡 薏苡仁 茯苓

木瓜 熟地各一錢 山梔 龍胆草 白朮炒各五分 川芎 芍藥炒各一錢

甘草三分 水煎服

清熱涼血飲 治風熱血燥丹毒等症大便秘結 當歸 川芎 大黃炒芍藥炒

生地各一錢 水煎服

神效開核散 消癭塊甚效 沉香 木香各二錢 橘紅四兩 珍珠四十九枚入灌封固

煨赤存性出火毒猪鬃子四十九枚豚豬生項間如棗子大 爲末每服一錢臨臥酒調

徐徐嚥下輕者三五服重者十服可愈切忌酸鹹油膩滯氣之物須用除日

于靜室修合

海藻散堅丸 治肝經癭瘤 海藻 昆布各二兩 小麥四兩醋煮晒乾 柴胡二兩

龍胆酒拌炒焦二兩 爲末蜜丸梧子大每服三十丸臨臥白湯送下噙化嚥之

尤妙○凡患瘰癧服調治之藥未應宜佐以前二藥

益氣養榮湯 懷抱抑鬱瘰癧流注或四肢患腫肉色不變或日晡發熱或潰而不

斂 人參 茯苓 陳皮 貝母 香附 川歸 川芎 黃耆鹽水拌炒熟地

芍藥炒各一錢炙甘草 桔梗炒各五分白朮炒二錢 入姜水煎服

木香餅 治氣滯結腫閃胸風寒所傷作痛 木香爲末五錢生地一兩 搗地黃膏

和勻量患大小作餅子置患處以熱熨斗熨之腫痛悉退

當歸飲 治熱血癰疹痒痛膿水淋漓發熱等症 當歸 白芍藥 川芎 生地

白蒺藜炒黃耆各一錢 防風 荆芥 何首烏忌鐵 甘草各五分 水煎服

赤白遊風

婦人赤白遊風屬肝經鬱火血燥生風或脾經鬱結血虛生熱或腠理不密風邪外襲其症或疙癢瘙癢或膿水淋漓白屬氣而赤屬血因得風而遊行也若肝經血燥用柴胡清肝散肝經怒火用梔子清肝散肝經血熱用加味四物湯肝火血虛六味丸脾經鬱熱加味歸脾湯肝脾血虛風熱加味逍遙散若因風邪鬱熱所致用荆防敗毒散或專用祛風之劑肝血愈燥則血隨火化反爲敗症矣
一婦身如丹毒搔破膿水淋漓熱渴頭暈嘔時益甚用加味逍遙散而愈
一女赤暈如霞作痒發熱用加味小柴胡加生地連翹丹皮而愈 大凡女子天癸未至婦人月經不調受驚着惱多有此症

消風散 治風寒癰疹痒痛或膿水淋漓頭皮腫痒 荆芥穗 炙甘草 陳皮

人參 茯苓 白姜 蚤炒 防風 芎藭 藿香 羌活 蟬蛻各一錢

厚朴 姜製五分 水煎服

大連翹飲 治風熱熱毒赤白遊風表裏皆受患者 連翹 瞿麥 荆芥 木通

蟬蛻 甘草 赤芍 防風 柴胡 滑石 山梔炒 黃芩炒 川歸一錢

水煎服

婦人疝症 一名便癰 一名便毒 俗名瘡子

婦人疝症或肝經濕熱下注或鬱怒傷損脾肝其外症或拘小腹腫痛或玉門焮腫作痛或寒熱往來增寒壯熱其內症或小便澀滯或腹內急痛或小腹痞悶或上攻兩脇或嘔熱重墜若兩拘小腹腫痛肝經濕熱壅滯也用龍胆瀉肝湯玉門腫

脹肝火血虛也用加味道遙散及龍胆瀉肝湯加木香若槩投散血攻毒之劑則誤甚矣

一婦人拘中赤腫脹痛此膿內作用托裏消毒散加此數劑潰而膿清寒熱乃氣血復虛用托裏散而寒熱止用十全大補湯百餘劑而斂

一婦人腹拘腫痛寒熱口苦或時帶下此肝經濕熱不利也用龍胆瀉肝湯而腫痛消用加味道遙散而寒熱退

一婦人腹拘腫痛小水不利時或胸乳作痛脇腹作脹此肝火氣滯用四物柴胡青皮玄胡木香而愈

一婦人兩拘腫痛腹內一塊不時上攻月經不調小便不利余以爲肝脾氣滯而血傷以四君子加芎歸柴胡山梔而愈後因鬱怒前症復作兼胸滿腹脹盜汗此肝木甚而傷脾土也用加味歸脾湯下蘆薈丸而痊

一婦人陰中如梗兩拗腫痛寒熱不食小便頻數小腹重墜余以爲肝脾鬱怒所致先以補中益氣加茯苓山梔車前子青陳以清肝火升脾氣更以加味歸脾湯調理脾鬱而愈

龍胆瀉肝湯 治肝經濕熱兩拘腫痛或腹中疼痛或小水澀滯等症 龍胆草酒

拌炒黃 澤瀉各一錢 車前子炒生地黃酒拌 木通 山梔炒黃芩 甘草各五分

右水煎服

九味柴胡湯 治肝經濕熱下注便毒腫痛或小腹脇肋結核凡肝胆經部分一切

瘡瘍或風熱結核癰癤 柴胡 黃芩炒各一錢 人參 山梔炒半夏 龍胆草炒焦

川歸 芍藥炒 甘草各五分 右水煎服

蘆薈丸 治肝氣不和尅侮脾胃而患諸症或三焦肝胆經風熱目生雲翳或疔熱

瘰癧耳內生瘡寒熱作痛肌體消瘦發熱作渴飲食少思肚腹不調或牙齦蝕落

頰腮腐爛下部生瘡等症 蘆薈五錢 胡黃連 當歸 芍藥炒 龍胆草酒浸炒焦

川芎 燕蕒各一兩 木香 甘草炒各三錢 右為末用米糊丸麻子大每服五

十丸滾湯下

鶴膝風

婦人鶴膝風症因胎產經行失調或鬱怒虧損肝脾而為外邪所傷或先腿脚牽痛

先或肢體筋攣既而膝漸大腿漸細如鶴膝之狀而名之也若高腫赤痛者易治

若漫腫不赤痛者難治二三月潰而膿稠者易治半載後潰而膿清者難治設先

攻伐虧損元氣尤為難治也大要當固元氣為主而佐以防風湯若食少體倦

者六君子湯為主哺熱內熱者逍遙散為主寒熱往來者八珍湯發熱惡寒者十

全大補湯不寐而驚悸者歸脾湯月經過期者補中益氣為主月經先期者加味

逍遙散為主凡潰後當大補脾胃若膿出反痛或寒熱煩渴等症皆屬氣血虧損

一切主于補培庶保終吉

一婦患鶴膝兩拘中腿股筋牽作痛內熱寒熱此肝火氣滯之症先用加味小柴胡

湯四劑後以加味逍遙為主佐以防風湯而消又患痢後兩膝腫痛寒熱往來